

趙城縣廣勝寺



佛說作佛形像經

開譯人名出後漢錄

佛

佛至拘鹽惟國有諸樹園主名拘翼時國王名優填年十四聞佛當來王即勅傍臣左右皆悉嚴駕王即行迎佛遙見佛心中踊躍歡喜王即下車步罷傍目左右持蓋者王趨迎佛前以頭面著佛足繞佛三匝長跪叉手白佛言天上天下人民無有能及佛者今佛面目身體行出光明巍巍好乃如是我視佛无有感極時今佛是天上天下人之師也佛慈心所愛者多佛默然不應王復白佛言人作善者其得福祐當何趣向佛去後我恐不復見佛我欲作佛形像恭敬承事之後當得何等福願佛哀為我說之我欲聞知佛言年少王汝所問大善聽我言聽已當置心中王言諾受教佛告王若作佛形像其得福祐我悉為汝說之王言受恩佛言天下人作佛形像者其後世所生處眼目淨潔面目端政身體手足常好生天上亦

淨潔與諸天絕異眼目面貌好作佛形像得福如是

作佛形像所生處無有惡身體皆完好死後得生第七梵天上復勝餘天端政絕好無比為諸天所敬作佛形像得福如是

作佛形像後世當生豪貴家其實與世間人絕異所生處不在貧窮家作子作佛形像其得福如是

作佛形像者後世身體常紫磨金色端政無比

作佛形像後世所生處當生富家錢財珍寶不可勝數常為父母兄弟宗親所重愛作佛形像其得福如是

作佛形像後世生閻浮利地常生帝王王侯家為賢善家作子作佛形像其得福如是

作佛形像後世作帝王中復取尊勝於諸國王諸國王所歸仰作佛形像其得福如是

作佛形像後世作遮迦越王上天上後來下自恣在所作為無所不至作佛形像其得福如是

作佛形像後世生第七梵天上壽一劫智慧無有能及者作佛形像死後不復在惡道中生者常自守節心念常欲求佛道作佛形像其得福如是作佛形像後世生常敬佛慈心於經常持雜繒絲好華好香然燈火諸天下珍寶奇物持上佛舍利其後無數劫會當得泥洹道人有出意持珍寶上佛者皆非凡人前世故作佛道作佛形像其得福如是

作佛形像後世得福無有窮極盡時不可復稱數四天下江海水尚可斗量枯盡作佛形像其得福過於四天下江海水十倍後世所生為人所敬護作佛形像譬若天雨水人有好舍无所畏

作佛形像後世死不復更泥犁禽獸薜荔惡道中生其有人見佛形像以慈心义手自歸於佛塔舍利者死後百劫不復入泥犁禽獸薜荔中死即生天上天上壽盡復來下生世間為富家作子寶奇物不可勝數然後會當得佛泥洹道

佛告王作善者作佛形像其得福祐如是不唐其王歡喜前為佛作礼以頭面著佛足王群臣皆為佛作礼而去壽終皆生阿弥陀佛國

佛說作佛形像經

解州夏縣如古鄉趙村王德并妻李氏同發虔誠謹捨淨財大藏經板會下施錢二件餘母負奉為先王祖父祖母生身父母久遠宗親王男王珍新婦胡氏珠男允僧摩氏伏願神遊華藏心捨其常修普賢六位圓因契毗盧十身普果保實身家眷如意吉祥願四恩三友法界眾生同成佛果

乙卯十二月八日 奉佛男第子王德施

校勘記

- 一 底本，金藏廣勝寺本，三三二頁中原版缺，同頁下原版殘缺，用麗藏本補換。
- 一 三三二頁中二行譯者，[石]作「失譯」；[資、磧]作「失譯附漢錄」；[南、徑、清]作「失譯師名附後漢錄」。
- 一 三三二頁中三行第一一字「主」，[南]作「王」。
- 一 三三二頁中一〇行第九字「出」，[南、徑、清]作「步」。
- 一 三三二頁中末行第二字「目」，[資、磧、南、徑、清]作「貌」。
- 一 三三二頁中末行「端政」，[石、資、磧、南、徑、清]作「端正」，下同。
- 一 三三二頁中末行第一一字「生」，[資、磧、南、徑、清]作「生於」。
- 一 三三二頁下一行第一一字「貌」，[石]作「頰」。
- 一 三三二頁下七行第一三字「實」，

石作「寶」。

一 三三二頁下一六行首字「王」，資、磧、南、徑、清作「主」。

一 三三二頁下一六行第五字「爲」，資、磧、南、徑、清作「或爲」。

一 三三二頁下一七行第二字「得」，資、磧、南、徑、清無。

一 三三二頁下二一行第一二字「上」，資、磧、南、徑、清作「飛行上」。

一 三三三頁上七行第四字「奇」，石作「琦」，下同。

一 三三三頁上九行第八字「前」，資、磧、南、徑、清作「皆是前」。

一 三三三頁上二二行第五字「寶」，石、資、磧、南、徑、清、麗作「珍寶」。

一 三三三頁中一行「得福」，資、磧、南、徑、清、麗作「福得」。

一 三三三頁中二行第五字「其」，石作「苦」。

一 三三三頁中四行末字「國」，石作「土」。